

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 16.11.2017թ. թիվ 1707117175 որոշումն անփոփոխ, իսկ վարչական բողոքն առանց բավարարման թողնելու մասին

<<21>> 12 2017թ. 17-4-29341-17/17-4-1481

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Հայկ Միքայելյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Տիգինայի փողոցի 34 շենքի 36 բնակարանի բնակիչ Հայկ Միքայելյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 16.11.2017թ. թիվ 1707117175 որոշումը՝ նշելով, որ առջևում եղել է խոչընդոտ և այդ պատճառով հատել է 1.1 հոծ գիծ գծանշումը:

Դիմումի քննարկման արդյունքում պարզվել է, որ դիմումատուի փաստարկն անհիմն է և վարչական ակտը վերանայելու հիմք չի կարող հանդիսանալ, քանի որ տվյալ իրավիճակում դիմումատուն կարող էր անարգել երթևեկել իր նախընտրած ուղղությամբ՝ ինչի հնարավորության առկայությունը ապացուցվում է նաև տեսանյութում առկա՝ նրա ավտոմոբիլի առջևից ընթացող ավտոմոբիլի վարորդի իրավաչափ գործողություններով, որը նույն ուղղությամբ երթևեկում է՝ առանց ճանապարհային երթևեկության կանոնների խախտում թույլ տալու:

Այսպիսով ապացուցված է համարվում այն փաստը, որ դիմումատուն հնարավորություն է ունեցել առանց ծախ եզրային գոտի վերադասավորվելու ուղիղ երթևեկելու, սակայն չի կատարել դա, վերադասավորումը կատարել է 1.1 հոծ գիծ գծանշումը հատելով, ինչի համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասով, ուստի նրան վարչական պատասխանատվության ենթարկելու մասին որոշումը օրինական է և իրավաչափ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 16.11.2017թ. թիվ 1707117175 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Հայկ Միքայելյանին և ՃՈ ՏՄՀԽԱ կենտրոն:



Ե.Կարապետյան